



Broj: 16-12-16-2-8274-6/16
I. Sarajevo, 16.01.2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-8274/16 od 12.01.2017. godinu, u postupku javne nabavke tonera i ketridža za potrebe Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku tonera i ketridža za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-8274/16 od 12.01.2017. godinu i ugovor za javnu nabavku tonera i ketridža za potrebe Državne agencije za istrage i zaštitu dodjeljuje ponuđaču „PRINTEX” d.o.o. Sarajevo, ponuda broj 16-12-16-2-8274-3/16 od 10.01.2017. godine, za ponuđenu cijenu od 22.489,91 KM bez uračunatog PDV-a.

Član 2.

(1) Ponuđač „PRINTEX” d.o.o. Sarajevo obavezan je ugovornom organu dostaviti dokaz o ispunjavanju uslova iz tač. 3.1. i 3.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Prijedlog ugovora dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

Obrazloženje

Postupak javne nabavke tonera i ketridža za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2-8274-1/16 od 15.12.2016. godine, procijenjene vrijednosti 26.500,00 KM bez uračunatog PDV-a. Postupak javne nabavke proveden je putem Konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-1-1126-3-70/16 od 27.12.2016. godine, a za šta su novčana sredstva predviđena u okviru budžetskih sredstava za 2016. godinu

Komisija II za provođenje postupka nabavke (u daljem tekstu: Komisija), dostavila je Izvještaj o radu broj 16-12-16-2-8274/16 od 12.01.2017. godine sa preporukom o izboru najpovoljnijeg ponuđača u postupku javne nabavke tonera i ketridža za potrebe Agencije.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 10.01.2017. godine do 13,00 sati, te da se ponude dostavljaju u zatvorenoj koverti, Komisija je dana 10.01.2017. godine u 14,00 sati izvršila javno otvaranje ponuda prema datumu i vremenu prijema, numerišući koverte.

Blagovremeno su dostavljene ukupno dvije ponude i to:

Redni broj	Naziv ponuđača	Vrijednost ponude (bez PDV-a)
1.	„PRINTEX” d.o.o. Sarajevo	22.489,91 KM
2.	„DEFTER“ d.o.o. Sarajevo	26.512,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda, Komisija je utvrdila da ponuđači „PRINTEX” d.o.o. Sarajevo i „DEFTER“ d.o.o. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, te ekonomske i finansijske sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu.

Komisija je utvrdila da je ponuđač „DEFTER“ d.o.o. Sarajevo, u skladu sa tačkom 8. Konkurentskog zahtjeva dostavio Potvrdu Privredne/gospodarske komore Federacije Bosne i Hercegovine broj 08-9/17-1 od 09.01.2017. godine, kojom potvrđuje da roba sadržana u ponudi ima porijeklo iz Bosne i Hercegovine, odnosno da podliježe primjeni preferencijalnog tretmana domaćeg. Uvidom u Obrazac za cijenu ponude ponuđača „DEFTER“ d.o.o. Sarajevo, Komisija je utvrdila da ukupna cijena ponude bez uračunatog PDV-a iznosi 26.512,00 KM, te da je istu potrebno umanjiti za 15%, odnosno za 3.976,80 KM, što iznosi 22.535,20 KM bez uračunatog PDV-a.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene tehnički zadovoljavajuće ponude iz tačke 9.1. Konkurentskog zahtjeva, konstatirajući da ponuda ponuđača „DEFTER“ d.o.o. Sarajevo podliježe primjeni preferencijalnog tretmana domaćeg, a da ponuda ponuđača „PRINTEX” d.o.o. Sarajevo ne podliježe primjeni preferencijalnog tretmana domaćeg, te je sačinila rang listu, kako slijedi:

Redni broj	Naziv ponuđača	Vrijednost ponude (bez PDV-a)
1.	„PRINTEX” d.o.o. Sarajevo	22.489,91 KM
2.	„DEFTER“ d.o.o. Sarajevo	22.535,20 KM (primjena preferencijalnog tretmana domaćeg 15%)

Nakon provednog postupka ocjenjivanja dostavljene ponude, Komisija je utvrdila da je ponuda ponuđača „PRINTEX” d.o.o. Sarajevo, ocijenjena kao najpovoljnija i da ista ne premašuje procijenjenu vrijednost nabavke iz tačke I odluke.

Shodno navedenom, prihvaćen je prijedlog Komisije i odlučeno je da se ugovor u postupku javne nabavke tonera i ketridža za potrebe Agencije, dodijeli ponuđaču „PRINTEX” d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

